

# SAVJET GRADONAČELNIKA ZA LOKALNI EKONOMSKI RAZVOJ

Broj: 02/15

Tuzla, 10.02.2016. godine

## Z A P I S N I K

### Sa 2. sastanka Savjeta gradonačelnika za lokalni ekonomski razvoj

Sastanak je održan dana 10.02.2016. godine u Tuzli, u Sali za sastanke na prvom spratu (sala za sastanke Kolegija Gradske uprave Tuzla), sa početkom u 14.00 sati.

#### Prisutni:

**Jasmin Imamović**, Gradonačelnik Grada Tuzla,  
**Sejo Omerčević**, predsjednik Savjeta, Babilon d.o.o. Tuzla,  
**Omer Delalić**, „Deling“ d.o.o. Tuzla,  
**Izudin Kapetanović**, „Solana“ d.d. Tuzla,  
**Amra Jaganjac**, Udruženje „NERDA“,  
**Amel Pezić**, „Alpamm“ d.o.o. Tuzla,  
**Amira Ajdaslić Okanović**, „Bosit Industry“ d.o.o. Tuzla,  
**Muris Nišić**, JP „RPC Lipnica“ d.o.o. Tuzla,  
**Suad Čičkušić**, „Hidrofleks“ d.o.o. Tuzla,  
**Jasmin Osmanović**, „Importal Diffusion“ d.o.o. Tuzla,  
**Hasan Halilčević**, JU Elektrotehnička škola Tuzla,  
**Emir Teskeredžić**, JU Mašinska škola Tuzla,  
**Dinka Huremović**, Udruženje „Bosper“,  
**Slađana Jovičić**, Udruženje obrtnika Tuzla,  
**Vedran Lakić**, Grad Tuzla,  
**Esmir Spahić**, Grad Tuzla,  
**Jusuf Žigić**, Grad Tuzla,  
Ispred USAID GOLD projekta:  
**Vojislav Ivanović**,  
**Jasmin Adilović**

Sastanku iz opravdanih razloga nisu prisustvovali:

**Emir Kadrić**, „Xella BH“ d.o.o. Tuzla,  
**Dario Nikolić**, „Bingo“ d.o.o. Tuzla,  
**Lidija Tomić**, „Bingo“ d.o.o. Tuzla,  
**Mensur Alić**, „Menprom“ d.o.o. Tuzla,  
**Robert Martić**, JP „BIT centar“ d.o.o. Tuzla,  
**Suad Čičkušić**, „Hidrofleks“ d.o.o. Tuzla,  
**Sergej Kasumović**, „Bicom“ Tuzla,  
**Zlatan Mulabegović**, „Akademika“ Tuzla,  
**Jasmin Osmanović**, „Importal Diffusion“ d.o.o. Tuzla,  
**Asim Bečić**, „Golden Tours“ d.o.o. Tuzla,  
**Mirela Kravić**, Biro za zapošljavanje Tuzla,  
**Kadrija Hodžić**, Univerzitet u Tuzli,  
**Kofre Hajro**, Univerzitet u Tuzli,

Za 2. sastanak Savjeta planiran je slijedeći dnevni red:

1. Usvajanje Zapisnika sa sastanka održanog dana 04.12.2015. godine,
2. Usvajanje Poslovnika o radu SLER-a Grada Tuzla,
3. Prezentacija procesa certifikacije gradske uprave za povoljno poslovno okruženje - BFC i izlaganje predstavnika USAID GOLD projekta o koracima i važnosti ovog procesa,
4. Razno.

Sastanak je počeo u 14.00 sati, sa jednoglasnim usvajanjem dnevnog reda kojeg je predložio predsjedavajući Savjeta, gosp. Omerčević, nakon čega se pristupilo radu Savjeta.

Ad 1. U okviru prve tačke dnevnog reda jednoglasno je usvojen zapisnik sa prvog sastanka Savjeta, koji je održan 04.12.2015. godine.

Ad 2. Pod drugom tačkom dnevnog reda, usvojen je Poslovnik o radu Savjeta gradonačelnika za lokalni ekonomski razvoj, pri čemu nije bilo primjedbi niti sugestija za dopunu ovog Poslovnika.

Ad 3. Pod trećom tačkom, predstavnik USAID GOLD projekta, gosp. Vojislav Ivanović je predstavio proces certifikacije gradske uprave za povoljno poslovno okruženje (BFC). Tom prilikom gosp. Ivanović je objasnio korake u procesu certifikacije, te kroz praktične primjere pojasnio pojedinačne kriterije kojim će se procijeniti sadašnje stanje i dati preporuke sa poboljšanje poslovnog okruženja grada Tuzla.

Nakon prezentacije, dodatne informacije o procesu certifikacije za povoljno poslovno okruženje dala je Amra Jaganjac, certificirani evaluator i verifikator za proces BFC certifikacije. Istakla je značaj koji će ovaj proces donijeti kao dobrobit i korist gradskoj upravi i privatnom sektoru.

Nakon predstavljanja BFC procesa, predsjednik Savjeta je pozvao učesnike da daju svoje komentare vezano za poslovno okruženje i problematiku. Tom prilikom je istakao problem obezbjeđenja kvalitetne radne snage, i da poslodavci nisu u mogućnosti obučavati radnu snagu jer po zakonu ne postoji mehanizam radnog angažovanja osoba tokom trajanja obuke.

Predstavnik USAID GOLD projekta, gosp. Jasmin Adilović je predložio da gradska uprava uspostavi saradnju sa predstavnicima savjeta srednjih škola te da se ide sa inicijativom prema nadležnom kantonalnom Ministarstvu za obrazovanje za dopunu obrazovnih programa prema potrebama poslodavaca.

Zatim je gosp. Vedran Lakić, pomoćnik Gradonačelnika za razvoj i poduzetništvo istakao da gradska administracija u ovoj godini planira realizovati programsku podršku poduzetništvu u vidu aktivnih mjera za zapošljavanje kao i putem sufinansiranja poreza i doprinosa poslodavcima, i da postoji eventualno mogućnost da se osmisli i program stipendiranja učenika za deficitarna zanimanja, kako bi se podigao interes za određene djelatnosti koje trenutno nisu atraktivne za upis učenika.

Gosp. Hasan Halilčević, direktor Srednje Elektrotehničke škole Tuzla je istakao problem da iako postoji planirana upisna politika za određena zanimanja, ista nisu dovoljno atraktivna učenicima.

Amira Ajdaslić Okanović je predložila da se pripremi program podrške učenicima u vidu subvencija ili malih stipendija, za djecu koja su u stanju socijalne potrebe, čime bi se afirmisali za upis programa deficitarnih zanimanja.

Omer Delalić je potvrdio također problem zapošljavanja mladih ljudi, te naglasio da je Vlada Federacije BiH izmjenom zakona o izvozu dodatno opteretila izvoznike što će negativno utjecati na zapošljavanje odnosno na povećanje broja nezaposlenih. Nesmotrene odluke koje se tiču privrede značajno negativno utiču na ionako loše uslove poslovanja.

Vedran Lakić je predložio da se kroz program aktivnih mjera zapošljavanja planiraju sredstva za stipendiranje djece koja će upisivati škole za deficitarna zanimanja, zatim da se dio sredstava izdvoji za prekvalifikaciju i treća programska podrška da se usmjeri na sufinansiranje poreza i doprinosa u trajanju od nekoliko mjeseci. Predlažem da kolega Jusuf Žigić pripremi pravnu osnovu za ovaj programski okvir. Isto tako se u okviru ovog programa mogu uključiti i drugi akteri, na primjer USAID GOLD projekat i Federalni biro za zapošljavanje, tako da podrška bude adekvatnija.

Amra Jaganjac je istakla da ovaj Savjet upravo treba da služi svrsi da privredni sektor iznosi probleme, i da se kroz konkretne prijedloge iznalaze rješenja. Predlaže da se okupi fokus grupa po određenim proizvodnim sektorima, uključiti Ministarstvo i Federalni biro za zapošljavanje, da se koncipira inicijativa za podršku privrednim subjektima i da se zajednički ide u realizaciju. Na taj concept bi se pridružili i gradska uprava, USAID GOLD i drugi. Na taj način će gradska uprava imati dokaz konkretne podrške privrednom sektoru što je važno za proces certifikacije povoljnog poslovnog okruženja, jer se u ovom procesu trebaju konkretno dokazati primjeri podrške privrednom sektoru.

Esmir Spahić je predložio da se utvrdi novi termin sastanka Savjeta za lokalni ekonomski razvoj, na kojem bi se pridružili i predstavnici USAID-a, gosp. Asim Sarajlić, koji je angažovan na projektima zapošljavanja i saradnje sa privrednim sektorom, i koji bi mogao prezentirati kvalitetan model zajedničke podrške kod rješavanja pitanja zapošljavanja i prekvalifikacije mladih.

Naglašeno je da se prijedlozi Ministarstvu za izmjenu programa obrazovanja trebaju dostaviti do 15.03.2016 godine.

Isto tako je usaglašeno da se provedene dodatno istraživanje sa firmama o njihovom interesu za radnom snagom, i da se informacija pripremi do novog sastanka Savjeta.

Usaglašeno je da novi termin sastanka bude 03.03.2016 godine sa početkom u 14.00 sati, u gradskoj upravi Grada Tuzla.

Ad 4. Pod tačkom razno, Dinka Huremović iznijela je problem poljoprivrednih proizvođača koji proizvode u plastenicima, da je u 2015. godini kantonalno Ministarstvo za poljoprivredu isključilo iz novčane podrške za poljoprivredu isključilo podršku za plasteničku proizvodnju. Predložila je da se pokrene inicijativa prema kantonalnom Ministarstvu za poljoprivredu da se u 2016 godini planira novčana podrška za plasteničku proizvodnju, jer ukoliko izostane podrška, ovi proizvođači neće biti u mogućnosti da nastave proizvodnju što će ugroziti 250 malih proizvođača i domaćinstava koja žive od poljoprivrede na području grada Tuzla.

Zapisnik sastavio:  
Esmir Spahić